

Como cu Hospital no ta den conflicto cu A.B.V.: Gerencia di Hospital ta califica e accion di "Wild Strike"

Ya ta bay tuma paso!



ORANJESTAD (AAN) — Relacionista Publico di Hospital dr. Horacio Oduber, señor Bob Harms a enfatiza, den entrevista pa Matutino DIARIO, cu hospital no ta den conflicto laboral cu sindicato ABV, pasobra nan no a pidi pa paraliza e negociacionnan ni un momento, pero solamente a pidi pa aplaza e deliberacion riba un aspecto so, cu ta esun financiero.

Esey teniendo cuenta cu e situacion di vacacion di algun funcionario di Hospital mes y di e director di AZV, y cu asina aki no por sigui papia riba un tema cu e hendenan cu mester duna mas informacion y aprobacion riba adaptacion di tarifa, simplemente no tey. Harms a indica cu ta pesey, via di e mediador gerencia a pidi e sindicato pa warda un rato riba e parti financiero y sigui papia riba e otro aspectonan di e C.A.O., normalmente, manera e tabata planea.

El a splica cu precisamente ayera tabata tin un reunion

den cual gerencia di HOH tabata pa entrega e sindicato un relato financiero, pero ABV a stop esaki debi cu tabata tin accion.

Segun e PR di Hospital esaki ta crea un situacion cu huridicamente mira y for di e punto di bista di gerencia, e accion aki no tin un base huridico legal, y e ta un "wild strike" comokiera cu no tin un situacion di conflicto entre gerencia di hospital cu mester a conduci na tal paso.

Y den e cuadro aki tambe, el a agrega, gerencia di hospital ta deliberando cual ta e pasonan cu ta bay tuma, pasobra como e unico hospi-

tal cu tin na Aruba nan tin un rol grandi den comunidad, y ta obliga na duna servicio medico y cuido, cu mester garantiza cu e ta na un nivel aceptable y cu un comunidad moderno manera esun di Aruba ta exige, y den e cuadro aki Hospital ta sigui funciona.

El a agrega cu director di Hospital ta den deliberacion constante cu tanto e mediador di gobierno como cu e minister reemplazante di minister di labor, pa wak kico por haci den e caso aki, unda nan ta considera e welga como ilegal.

Ainda informacion valioso ta secreto pa autoridad Segun Jorg: ainda Rudy no a yuda soluciona delito 6 Miyon!

ORANJESTAD(AAN)— Ta parece cu Namdar a bay sconde, pero investigacionnan di DIARIO ta continuando. Pa evita cu e 6 Miyon, cu segun Ministro di Husticia Rudy Croes ta pertenece na e proyecto di Desaroyo San Nicolas tambe ta bay cu biento, e team di investigacion di DIARIO ta continua cu su trabao.

Despues di a papia cu e Fiscal Mayor, cu a bisa cu e ta spera cu Rudy Croes mes lo presenta pa bisa kende ta e persona na Hulanda, cu a tene scondi pa Husticia cu tin 6 Miyon di e Fondo pa Desaroyo San Nicolas, ariba un cuenta priva, ayera DIARIO a papia cu Abogado General Nico Jorg, kende na e momentonan aki ta dirigi Ministerio Publico, e aparato hudicial di Aruba.


E Fiscal Mayor a afirma categoricamente na DIARIO, cu si Rudy Croes no papia, Ministerio Publico lo actua ariba su mes. Manera DIARIO a muestra ta un delito pa tene informacion den un caso penal secreto pa autoridad hudicial. Cada dia cu Rudy Croes no bisa kende e persona cu sa di e 6 Miyon di Aruba, cu ta ariba otro cuenta di banco, e Ministro ta mas complice di tene informacion importante, scondi pa autoridad, loke ta castigabel. Esun cu a papia cu Rudy Croes na Novotel na Hulanda, a puntra si e ta haya recompensa si e papia.

Ayera DIARIO a papia cu Abogado General Jorg mes. Den un asunto di tal gravedad, e mester ta na haltura di e suceso y ya mester a pone e Ministro duna tur informacion. Sinembargo e Abogado General a bisa DIARIO cu e no sa nada di e caso y cu e no ta ocupa cune!

Cuanto dia mas promer cu Ministerio Publico informa Pueblo cu nan a actua y pone Ministro Rudy Croes bisa kende sa unda 6 Miyon di Aruba ta?

DIARIO lo sigui insisti te ora e asunto aki ta clarifica y cu e unico recompensa cu ta actua segun Ley ta describi!

E SUBMARINO CU TA BAY BAO AWA!!



**BEST
DEAL**

Tel: 5827100

(Pariba di Aruba Bank, Paradera)

CD Holder



Hopi model
nobo.